

常德文徵卷五

詩 五言古

晉

陶

潛 字淵明潯陽柴桑人

桃花源

嬴氏亂天紀賢者避其世黃綺之商山伊人亦云逝往跡寢
復涇來逕遂蕪廢相命肆農耕日入從所憇桑竹垂餘蔭菽
稷隨時藝春蠶收長絲秋熟靡王稅荒路暖交通雞犬互鳴
吠俎豆猶古法衣冠無新製童孺縱行歌班白歡遊詣草榮
知節和木衰識風厲雖無紀歷志四時自成歲忙然有餘樂

常德文徵

卷五

五言古

一

於何勞智慧竒蹤隱五百一朝儆神界淳薄既異源旋復還
幽蔽借問游方士焉測塵囂外願言躡輕風高舉尋吾契

梁

陰

鏗 字子堅涼州人一作南郡人

渡青草湖

洞庭春溜滿平湖錦帆張源 初學記作沅 水桃花色湘流杜若香

宋去茅山遠 初學記作近 江連巫峽長帶天沉通碧映日動浮光

行舟逗遠樹度鳥息危檣滔滔不可測一葦誰能航

劉孝勝

彭城人為武陵王蕭紀長史

武陵深行

武夷深不測水安舟復輕暫借莊生釣還滯鄂君行誰歌爭
後發譟鼓逐前征秦地山川險黔中木石并林壑秋籟急猿
哀夜月明澄源本千仞迥峯忽萬縈昭潭讓無底太華推削
成日落野通氣目極悵餘情下流曾不濁長邁寂無聲羞學
滄浪水濯足復濯纓

唐

宋之問 字延清號州宏農人

洞庭湖

地盡天水合朝及洞庭湖初日當中湧莫辨東西隅晶耀目
何在瑩熒心欲無靈光晏海若游氣耿天吳張樂軒皇至征

常德文徵

卷五

五言古

二

苗夏禹祖楚臣悲落葉堯女泣蒼梧野積九江濶山通五嶽
圖風怡魚自躍雲久雁相呼獨此臨泛漾浩將人代殊永言
洗氛濁卒歲為清娛要使功成退徒勞越大夫

楊浚 開元中官校書

武陵草堂 詩為當時隱居者作

草堂列仙樓上在青山頂戶外窺數峯階前對雙井雨來花
盡濕風度松初冷登棧行不疲入溪語彌靜云能去塵服藥
欲事金鼎正直心所存諂諛長自省適知幽遁趣已覺
屏更愛雲林閒吾將臥南嶺

王昌齡 字少伯京兆人

留別武陵袁丞

皇恩暫遷謫待罪逢知己從此武陵溪孤舟二千里桃花遠
古岸金澗流春水誰識馬將軍忠貞抱生死

杜甫 字子美 襄陽人

別董頴

窮冬急風水逆浪開帆難士子甘旨闕不知道里寒有求彼
樂土南適小長安別我舟楫去覺君衣裳單素聞趙公節兼
盡賓主歡已結門閭一作望無令霜雪殘老夫纜已解脫粟
朝未餐飄蕩甲兵際幾時懷抱棄漢陽頗寧靜峴首試考槃
當念著白帽采薇青雲端

常德文徵

卷五

五言古

三

盧

綸 字允言 河中蒲人

同吉中孚夢桃源二首

春雨夜不散夢中山亦陰雲中碧潭水路暗桃花林花水自
深淺無人知古今

夜靜春夢長夢逐仙山客園林滿芝朮雞犬傍籬柵幾處花
下人看余笑頭白

劉禹錫

字夢得 彭城人 朗州司馬

登司馬錯古城

秦昭王命錯 蠻城在武陵

征五溪 沅江南

將軍將

一作 秦師 帥 一作 西南 莫遐

服故壘清江上

蒼烟晦

作喬木登臨直蕭辰周覽壯前躅

塹平陳葉滿墉高秋

廢井抽寒菜毀臺生魯一作穀耕人得古器宿雨多遺

塞鬱重疊蠶溪紛詰曲留此數似一作基幾人傷遠目一作送目

謁柱山會禪師

我本山東人平生多感慨弱冠遊咸京上書金馬外結交當

世賢馳聲溢四塞勉修責及早粗一作提一作不知退錙銖揚芬

馨尋尺招瑕類淹留郢南都一作摧頽羽翰碎安能咎往事

且欲去沈痾吾師得真如寄在人寰內哀我隨名網有如翮

飛輩瞳瞳揭智燭照使出昏昧靜見玄關啟歆然初心會夙

尙一何微今得信可大覺路明證入便門通懺悔悟理言自

忘處屯道猶秦色身豈吾寶慧性非形礙思此靈山期未卜

常德文徵

卷五

五言古

四

一作來何年載

善卷壇下作在柱山上

先生見堯心相與去一作九有斯民既已治我得安林數道

為自然貴名是無窮壽瑤壇一作在此山識者常回首

武陵觀火詩

楚鄉祝融分爇火常為虞是時直突烟發自晨炊徒盲風扇

其威自晝曠陽烏操縵不暇汲循一作牆還一作避踰怒如列缺

光迅與芬一作翰俱聯延捲四遠一作赫奔成洪鑪洎疑雲

濤翻颯若鬼神趨當前迎焮郝是物同膏腴金烏入梵天赤

龍遊元都騰烟透牕戶飛焰生藥櫨火山摧半空星雨

衢瑤壇被髹漆寶樹攢珊瑚光一作縣與琴焦一作旗亭無

酒濡市人委百貨邑台遺雙鳧餘勢下隈隩長燦烘舳舻吹

焚一作災照水府炙浪愁天吳災罷雲日晚心驚視聽殊高灰

辨廩庾黑土連闔閭眾盡合星羅遊氛鑠人膚厚地藏宿熱

逢林呈驟枯火德資生人庸可一日無御之失其道敲石彌

天隅晉庫走龍劍吳宮傷燕雛五行有沴氣先哲垂訄謨宋

鄭同日起時當賢大夫無苛自可樂弭患非所圖賢守恤人

瘼臨烟駐驪駒弔場色慘怛一作世顏一作暗失詞劬愉不令蠲

里布指期輕市租開垣適未立苦蓋自相娛山木行剪伐江

泥宜瑾途一作塗邑一作魯臣不必曾一作茸何用徵越巫

常德文徵 卷五 五言古 五

遊桃源一百韻

沉江清悠悠連山鬱岑寂回流抱絕巘皎鏡含虛碧昏旦遽

明媚烟嵐分委積香蔓垂綠潭暴龍照孤磧山下潭名綠淵

明著前志子驥思遠躋事見陶先生本記寂寂無何鄉密爾天地隔

金行太元歲漁者偶探蹟尋花得幽踪窺洞穿閣隙依微聞

雞犬豁達值阡陌居人互相迎笑語如平昔廣樂雖交奏海

禽心不憚揮手一來歸故溪無處覓綿綿五百載市朝幾遷

革有路在壺中無人知地脈皇家感至道聖祚自天錫金闕

傳本枝玉函留寶歷禁山開秘宇復戶潔靈宅詔隸二十戶免稅以奉灑

掃蕊檢香氤氳醮壇烟幕羃我來塵外躅瑩若朝星析崖轉

對翠屏水窮留畫鶴三休俯喬木千級扳峭壁旭日開
綵雲迎躡枝遂登最高頂縱目望楚澤平湖見草青遠岸
霞未闕尋如夢想綿思屬空閱夤緣且忘疲耽玩近成癖
獲伺曉發瑤草凌寒圻祥禽舞蕊龍珠樹搖玃璫一作羽人
顧我笑勸我稅歸輓霓裳何飄飄童顏潔白暫重巖是藩屏
馴鹿受羈勒樓居彌一作清霄蘿葛成翠帶仙翁遺竹杖玉
母留桃核姹女飛丹砂青童護金液寶氣浮鼎耳神光生劍
脊虛無天樂來僊宰鬼兵役丹邱肅朝禮玉札工紉繹枕巾
淮南方牀下阜鄉易明燈坐遙夜幽籟聽浙漈因語近世仙
聳然心神惕乃言瞿氏子骨狀非凡格往事黃先生羣兒多

常德文徵

卷五

五言古

六

侮劇警一作然不屑意元氣貯肝膈往往遊不歸洞中觀博

弈言高未易信猶復加訶責一旦前致辭自云仙期迫言師
有道骨前事常被謫如今三山上名字在真籍悠然謝王人
後歲當來覲言畢依庭樹如烟去無跡觀者皆失次驚追紛
絡繹日暮山徑窮松風自蕭槭適逢修蛇見曠日光激射如
巖三清居不使恣搜索唯餘步綱勢八趾在沙磧至今東北
隅表以壇上石列仙徒有名世人非目擊如何庭廡際白日
振飛翮洞天豈幽遠得道如咫尺一氣無死生三光白遷易
罔思人間世前路何狹窄警然此生中善祝期滿百大方播
羣類秀氣肖翁嗣性靜本嗣利物聲成阻阨是非闕方寸董

血昏精魄遂命多天傷猶喜見斑白喧喧車馬馳冉冉桑榆
夕共安緹繡榮不悟泥途適紛吾本孤賤世業在逢掖九流
宗指歸百氏旁攬據公卿偶慰薦鄉曲繆推擇居安白社貧
志傲元纁辟功名希自取簪組俟揚歷書府蚤懷鈔射宮曾
發許起草香生帳坐曹烏集柏賜燕聆簫韶侍祠閱琮璧嘗
聞履忠信可以行齏豸自述一作迷希古心妄恃干時畫巧言
忽成錦苦志徒食藥平地生峯巒深心有矛戟層波一震盪
弱植忽淪溺北渚弔靈均長岑思亭伯禍來昧幾兆事去空
歎息塵累與時深流年隨漏滴才能疑木雁報施迷夷跼楚
奏一作繫鍾儀商歌勞甯戚稟生非懸解對鏡方感激自從
常德文徵

卷五

五言古

七

嬰網羅每事問龜策王正降雷雨環玦賜遷斥儻伏一作復夷

平人誓將依羽客買山構精舍領頭開講席冀無身外憂自

有閑中益道芽期日就塵慮乃冰釋且欲遺姓名安能慕竹

帛長生尙學致一溉一作皆豈虛擲芝朮資餼糧烟霞拂巾幘

黃石履看墮洪崖肩可拍聊復嗟蟬蛸何須哀虺蜴青囊既

深味瓊葩亦屢摘縱一作蹤無西山資一作安猶免長戚戚

李羣玉 字文山 澧州人

登宜臺 醉宿景星寺寄鄭判官兼簡空上人

曉發碧水陽暝宿金山寺松風灑寒雨浙瀝醒餘醉夜中香
積飯蔬粒俱精異境寂滅塵愁神高得詩思皎皎滎陽子芳

眷富才義漲海豁心源水壺見門地碧霄有鳩序未展聯行
翅但笑一尺繩三年絆騏驥摧殘擔簦客鬱抑胸襟事名業
兩未從臨風嘿舒氣一身沙雲嶺中夜空涕泗側枕對孤燈
衾寒不成寐糧薪極柱玉大道生榛刺恥息惡木陰難書劍
歌意揚鞭入莽蒼山驛凌烟翠越鳥日南飛芳音願相次

王

融 字子華
山陰人

七仙洞

在今景
星寺

湘沅有蘭芷汨欲吾南征遺佩出長浦舉袂望江城朱霞拂
綺樹白雲照金楹五芝多秀色八桂常冬榮彌節且彝與參
差聞鳳笙

常德文徵

卷五

五言古

八

宋

蘇

軾

字子瞻
眉山人

和陶潛桃花源詩

凡聖無異居清濁同此世心閒偶自見念起忽已逝欲知真
一處要使六用廢桃源信不遠杖藜可少憇躬耕任地力絕
學飽天藝臂雞有時鳴尻駕無可稅苓龜亦晨吸枸杞或夜
吠耘樵得甘芳飽齧謝炮製子驥雖形隔淵明已心詣高山
不難測淺水何足厲不如我仇池高舉復幾歲從來一死生
近又等癡慧滿洞安期境羅浮稚川界夢往從之遊神交發
吾薇桃花滿庭下流水在戶外却笑避秦人有異非所冀

梅堯臣 字聖俞
宣城人

武陵行

生事在漁樵所居亦烟水野艇一竿絲朝朝狎清泚忽自傍
藤陰乘流轉山背始覺景氣佳潛通小溪裏常時不見春入
谷鶯紅蕊幽興窮綠波翫芳心莫已苑外一峯明林間碧洞
啟遙聞雞犬音漸悟人烟邇捨舟遂潛行石徑劣容屣豁然
有田園竹果相叢倚龐眉鬢髻人倏遇心顏喜尚作秦衣裳
那知漢名氏自言逢世亂避地因居此來時手種桃今日開
如綺更看水上花幾度逐風委競引飯彫胡邀飲酌瓊醴復
呼童稚前綠鬢仍皓齒翻遣念還茅思歸釣鱸鯉將辭亦贈
常德文徵

卷五

五言古

九

言勿道邱壑美鼓枻出仙源繁音猶邈迤薄暮返滄洲微風
吹白芷他日欲重過茫茫何處是

黃庭堅

字魯直洪
州分寧人

雙松亭

文殊堂下松永日如鳴琴我登雙松亭時步雙松陰中有寂
寞人安禪無古今

元

顧

瑛

一名阿英金粟
道人崑山人

以夜闌更秉燭相對如夢寐分韻得夢字

涼風振林木惻惻初寒動肅客桃花源張筵鳴玉洞暮

送
相飛雪樓書棟設元味妙理
譚笑雜微諷取琴雪
聽金石弄嘉會固難并聚散恍
春夢明發大江舟天濶孤

明

薛

瑄

字德溫
河津人

龍陽山行遇雨

歲晚山行深山中水重疊叢篁
夾溪橋橋斷橫槎接陰雨竟
連朝雲林黯一色虛風忽冷然
蕭蕭墜黃葉撫景復何爲
顧遠遊客

鐘

崧

泰和人

常德文徵

卷五

五言古

十

桃源

青林被重崗蒼石立絕礪冥冥
松風迴高蔓弱可縮驅車鶴
嶺下沮淤濕危棧微茫烟霞集
披靡杉筠間高秋灝氣豁秀
色分屬盼芸芸澣纒子涉水
衣帶山女行負薪結髮垂兩
耳年豐稔稻足食狃芻與黍
呼不及門征租少稽慢銀坑
重茶賦往往先月辦緣山八九
家火耕習薈鏟土屋桑樹高
雞鳴日方晏清霜落原菽夕
露沾畦竟吁嗟避秦人歷世
乃多患豈知太平俗鎧甲未嘗
擯永宜曠士懷樂此謝游宦
桃實吾事苟未乃不慣窮源
愁日暮流水方汕汕歎急行
嶽南雲送涼雁

王守仁 字伯安
餘姚人

天心湖卽事

掛席下長沙瞬息百餘里舟人共揚眉子獨憂其駛日暮入
沅江抵石舟果圯補做詰朝發衝風遂齟齬泊後江湖蕭
條傍層壘月黑波濤驚蛟鼉互睥睨翼午風益厲狼狽收斷
汜天心數里間三日但遙指甚雨迅雷電作勢殊未已溟溟
雲霧中四望渺涯涘篙槳不得施下夫盡嗟噫淋漓念同胞
吾寧忍暴使餽粥且傾橐甘苦吾與爾眾意在涉躋絕糧亦
均死馮陵向高浪吾亦詎容止虎怒安可撓志同稍是倚且
令並岸行試步湖濱止收舵幸無事風雨亦浪弛逡巡緣江

常德文徵

卷五

五言古

十一

湄迤邐就風勢新漲翼回湍倏忽游如矢夜入武陽江漁村
穩堪艤糴市謀晚炊且爲眾人喜江醪信漓濁聊復盪胸痞
濟險在需時微倖豈常理爾輩勿輕生偶然非可恃

何景明 字仲默
信陽人

寓武陵詩

驅馬山上行山高何巍巍修板接飛翼百步仍九廻俛視烟
靄中眾山鬱何壘茫然望四海萬物亦已衰昔我別京國朱
華猶未希歲節忽復易何時當旋歸

山深多樹木百里人民稀時有四五家茅茨隔山岐沙田不
可耕何以禦歲饑門前數畝園祇收蓬與藜平林出汲澗

暮始得炊童稚那敢出但畏逢虎熊草黃初晚禾桑綠催官
絲嗟爾遠方人辛苦誰具知

山勢行轉促連峯相貫輪窈然林莽中乃復得坦途青壁結
烟靄縹緲凌虛無層阿秀嘉禾下覆青水渠夙志好幽僻覽
茲耳目娛公車雖少延顧盼忽已踰安得鼓清琴日坐山之
隅

桃花源

神宮羸飛觀結構倚層邱上翳萬年樹下映千尺流仙蹤久
已沒百代傳其由荒途橫白雲寥寥安可求

谿谷多清氛朝暮不可知雞鳴洞中樹輕暖散華池白石流

常德文徵

卷五

五言古

三

丹液靈葩耀朱蕤誰能學丹術遂使塵網離

溪中何所有磊磊多奇石紫參生其陽青松植其北遠林商
氣清絕巘夕光白何當發雲奏招我吹簫客

自武陵至沅陵道中雜詩

叢薄被烟臯徑路紆且微秋風振喬柯綠葉漸以稀日入尋
動息林深眾響歸君看棲枝鳥大小必相依

張時徹

字唯敬
相邨字

鄞縣人一作許
台仲海寧人

武陵莊雜詠

秉願物外遊結欣在何許覓路辨青山沿河遵枉渚丹邱忽
戾止烟霞密如堵中有千年松滴翠紛成雨叢篁茁新玉櫻

木羅珍羽 眺聽不勝奇 日夕瞻容與

岳岱

字東伯 蘇州衛人

武陵精舍六首

南湖春雨

紫燕銜青泥 南湖事東作 一犁衡嶽雨 細逐桃花落 婦子餉田歸 平臯烟漠漠

河湫漁梁

白石何纍纍 流水亦復急 茅茨對夕暉 敝笱待鮮食 曬翅滿漁梁 鷓鴣與鷓鴣

西山烟寺

常德文徵

卷五

五言古

三

雨過落花深 春眠懶無事 起望西山雲 不見山中寺 日高忽聞鐘 驚散雲峯翠

桃溪夜月

可憐武陵溪 本自仙源水 漁舟昔延緣 未盡巖壑美 石門今已迷 月照千峯裏

竹灣雪艇

鷗飛江上雪 雪覆江邊竹 扁舟不可渡 遠望迷川陸 漁父暮歸來 蓑衣滿珠玉

金霞夕照

鳥歸山日紅 石壁開返照 餘霞赤城標 復映臨海嶠 披襟坐

春臺幽懷發孤嘯

袁宏道

字中郎
公安人

水心巖

猗龍負巨山一往水潭馳春沫與秋瀾洗盡青山蛻石膚鑑
水光遞互發清麗轉盼分瘦妍生動各有意我欲舉鐵網拔
出珊瑚翠付與種桃人置之花深地他時攜杯來石上聊一
戲

登河湫山

高閣俯蒼崖下有花源路料得避秦人入山從此去潭水浣
山膚膚盡紅霞露老蛟挾瘦石千古盤渦怒溪上盡漁郎誰

常德文徵

卷五

五言古

識花流處事往白雲新人去青山故挂却茱萸囊長嘯倚丹
樹

袁中道

字小修
公安人

花源道中紀遊并示文弱

綠蘿如篆刻鋒刃駁雲霧下臨百尺潭丹碧寫練素沿溪望
前村都似避秦處停舟入花源攜筇臨水步桃花千樹紅花
深迷往路帶月石閣流夜深響瀑布清坐憺忘歸一山滴浩
露

國朝

陳士本

字頴訓武進人
今巡湖北道

奉調上沅訪桃源洞

髫年事槩鉛曾讀桃源記
漁翁溯流泉驀入五雲闕
桃花夾岸紅藤蘿拂巖翠
洞天吠仙聲桑麻迥無異
中有龐眉翁云由酷秦避歷年五百餘
猶說當時事歸來日甫斜
再往只長唱念余上辰沅鼎州發輕騎
憑軾覓仙踪僕夫指雲委拾騎入深林
林清滌人賦浩歌一曲終谷聲若相次
漁翁今已無洞門扃于季安得避秦人
一問仙家秘

王象溆

富平人僉事

和靖節桃花源詩

常讀南華經浮雲看此世
桃花落復開源水流隨逝一瞬等
常德文徵

卷五

五言古

十五

地天千秋幾興廢能得山林趣
城市差堪憇關閉可禦風茅
誅當習藝興到呼濁醪耕餘足
公稅曙入雞肆唱枕安老不
吠飲露吸天池餐霞鮮炮製
散步憑長嘯跌坐良所詣偶起
視澗阿淺深忘揭厲况樂太平
春不同離亂歲少也素迂癡
老矣何智慧彭澤愛吾腰東坡
絕凡界兩賢若同符百慮無
異蔽迷津思問津豈在桃源外
溪水不容刀泳游饒獨契